

臨武縣志卷之三

建置沿革志

楚南郡邑之最古者莫如臨武一見於山經再著於國策自秦並六國廢封建為郡縣取楚巫中地為黔中郡已又分黔中為長沙郡始因臨武舊地置縣屬焉漢高祖興復析長沙為桂陽郡而臨隸桂陽其後歷代因之弗替間有改革不旋踵而復故至其所隸或屬郴或屬桂而桂之為郡為府為監為軍為路為州控轄不一更革靡常其申畫之源流顛末有可得

臨武縣志

卷之三

沿革志一

而言者焉志建置沿革

曹家玉識

禹貢曰荆及衡陽惟荊州

孔穎達曰南及衡山之陽其境過衡山也以衡是大山其

南無復有名山大川可以為記故言陽見其南至山南也

周禮職方曰正南曰荊州其山鎮曰衡山自周成王舉

文武勤勞之後嗣而封熊繹於楚自春秋至戰國時

並為楚地

史記熊通曰吾先熊鬻文王之師也早終成王舉我先公乃以子男田令居楚蠻夷

率服

秦王五年滅楚後以其地置二郡南郡黔中共後又分

黔中地置長沙郡而臨武屬長沙

漢高帝置桂陽郡領臨武等縣十一桂陽武南平陽

曲江含滙 便滇陽 陰山 武帝置十三州桂陽郡屬

荊州刺史部王莽更郡為南平更臨武為大武

東漢光武建武十一年置桂陽郡領臨武如舊仍屬荆

州刺史部臨武桂陽 南平滇陽 陽山陰江 曲江含滙 未陽

獻帝建安十三年魏武盡得荊州之地及敗於赤壁南

郡以南屬吳荊州以南屬蜀北屬魏而荊州之名南

北雙立後孫權以先主已得益州使使報欲得荊州

先主不與權忿之遣呂蒙襲奪桂陽等郡先主引兵

臨武縣志

卷之三 沿革志二

下公安與權連和畫湘以分湘西武陵等三郡屬蜀

湘東桂陽等三郡屬吳未幾湘西三郡悉屬焉臨武

仍隸桂陽

吳孫皓時又分桂陽為始興郡而臨武所隸仍屬桂陽

晉武帝太康元年平吳置桂陽郡領臨武等六縣臨武便

南平 未陽晉寧

惠帝時分桂陽武昌安成三郡立江州臨武仍隸桂陽

懷帝永嘉二年又分桂陽衡陽長沙湘東零陵邵陵及

廣州之始安始興臨賀九郡置湘州臨武屬桂陽如

故湘州府即今長沙府

穆帝升平二年以江州之桂陽益州之巴東廣州之臨

賀始興始安五郡屬荊州

宋置桂陽太守領臨武等縣六臨武 南平 汝城 晉寧

齊置桂陽郡領縣如宋制屬湘州鎮

陳武帝永定三年析桂陽郡汝城地為盧陽郡臨武仍

隸桂陽

隋文帝開皇九年平陳廢桂陽盧陽二郡置郴州煬帝

大業元年廢州復置桂陽郡領臨武等縣三臨武 盧陽

臨武縣志 卷之三 沿革志三

郴

唐興高祖改郡為郴州領臨武等縣八臨武 藍山 南平 南寧

義章 義昌 資興 太宗貞觀元年分天下為十三道屬江

南道武后如意元年改臨武為隆武神龍元年復故

名

五代時石敬瑭改郴州為敦州廢臨武縣省入桂陽監

然其時地屬馬氏不過羈縻而已未幾桂宜等處悉

歸南漢

宋興仍置桂陽監主銀 冶 高宗紹興三年升桂陽軍領縣

二平藍山陽十年復析平陽縣地置臨武縣屬荆湖南路

元置桂陽安撫使至元十四年升桂陽路總管府屬湖南道宣慰使湖廣等處行中書省

明洪武初更置桂陽府領縣如舊八年降桂陽為州隸

衡州府領州一縣八衡陽縣 衡山 桂陽州 耒陽 臨武 常寧 藍山

安仁而臨藍二邑仍隸桂陽州總隸於郡俱屬湖廣

等處承宣布政使司至崇禎十二年同知張恂攝臨武印因流寇劉新宇初平請於院司會疏入告遂割臨武上鄉八里及割桂陽五都六里建嘉禾縣亦隸

臨武縣志

卷之三

沿革志四

桂陽州至崇禎末臨藍嘉三邑徑隸於郡不復屬州矣

國朝順治四年臨武始入版圖仍隸衡州府領縣九州一

屬湖廣等承宣布政使司

康熙六年移偏沅巡撫偏橋沅州二衛名及分湖北藩臬驛糧

各衙門俱駐長沙自是遂屬湖南布政使司

雍正十年升桂陽為直隸州臨武藍山嘉禾三縣屬焉不復隸衡州然仍屬衡永道分巡

舊志詮釋臨武縣名○山海經曰肄水出臨武西南

武入番南遶城西北西漢東流欽○水經曰溱水出桂陽郡肆
南蓋右合溱之水亂流也東南逕臨武縣西北謂之桐栢溪東
治臨春側因曰君臨武○戰國策天將合從趙使趙嘉
見楚申君曰君有將乎曰有僕欲將臨武君由此
觀之臨武之名舊矣共後玉莽改大武武則天改隆
武俱尋復舊名

劉凝齋司馬評曰山海經郭璞傳漢侍中奉車都尉
劉秀校定表言禹別九州而益等類物善惡著此書
竊意五帝時安得有臨武名及讀戰國策則知臨武
之名舊矣漢高置縣亦以舊名名之如郴在秦時皆
長沙郡地而羽遷義帝已有郴名高帝遂以名之縣

臨武縣志

卷之三

沿革志五

其殆此類與又見山海經非禹益書明甚或以爲緣
解天問而作司馬遷曰余不敢言之也